





咸豐武定府志（一）



（清）李熙齡
（清）鄒恒纂
修纂

本書三十八卷首一卷，據清咸豐九年
(一八五九)刻本影印。

重修武定府志序

武郡舊有志歷百年而未修其中應增補者網羅散失採訪綦難且舊志譌謬頗多上下千古操觚良未易易余初聞太守之修志而不勝其喜也余今聞郡

武定府志

序

志之蒞事而尤不勝喜其成之速也太守舊六月抵任竭周歲之力應損者損之應益者益之非素優於其事者豈能臻此燦然大備乎余於是取舊志與新志而細校之如選舉門舊志主

合眉目不洵新志主分瞭如指掌十屬之總列何如十屬之分叙爲最明朗也其餘各門條分縷晰參互攷訂辨厥疑譌居然爲一郡大觀況未設局延賓只以太守一人手定而殫厥成功

武定府志

序

二

絕無遺憾其功尤有倍於前賢萬萬者欽佩奚似書成問序於余余嘉太守之勤於吏治而知所先務也爰樂得而爲之序

咸豐九年歲次己未九月朔日

誥授光祿大夫階振威將軍兵部侍

郎兼都察院右副都御史巡撫
山東等處地方督理營田兼提
督銜節制全省軍務督理臨關
稅務兼理鹽政

賞戴花翎覺羅崇恩撰

武定府志

序

三

重修武定府志序

志者史家之流然史記其大而
畧其細志則纖悉畢具凡一方
疆域形勢城池田賦學校營制
風俗人物一切因革損益源流
本末無不博考詳稽以爲一方
之典策使官斯土者得有所據
以爲因地制宜之政此濟世之
君子所爲必盡心者也今使人
之爲政履其地而不洞悉其利
病將山川險要人情強弱之不
知風俗物產農田水利城郭學

武定府志

序

四

校兵賦之不悉循吏名儒忠義
節烈貞孝之不闡則無以興文
教敷善政以爲流風遺韻是固
本務之不明儻亦平時之不素
講習然耶予承宣東土江右李
君芸渠來守武定武定自雍正
時升州爲府領九縣一州屹然
爲東土一大郡乾隆己卯太守
赫君實始創修府志迄今百載
歲月旣久遺佚漸多李君念觀
往所以察來文獻無徵何以善
其政教乃博搜遐採辨誤補遺

武定府志

序

五

期年而書成比舊志益詳且精
焉李君問序于予予忝有布化
之責喜李君爲政能探其本足
輔予之不逮其書關於實用有
合於古人濟世之事爰秉筆而
爲之序時

武定府志

序

六

誥授通奉大夫山東等處承宣布政
使司布政使加三級吳廷棟撰

咸豐九年歲次己未九月朔日

重修武定府志序

余於暑維協洽之歲仲秋朔日
奉

命撫東忝膺鉅任敢不竭公忠以答
君心宣德惠以蘇民困況

國家值多事之秋信義爲先富強

武定府志

序

尤急蒞任逾月驅車歷登來青
武諸郡觀風校伍其間山川城
郭學校田賦水利物產之沿於
今也余得見之而聞之循吏純
儒忠孝貞廉文章經濟之傳於
古也余不盡得見之而聞之適

武定太守芸渠李君修赫君所

成之郡志出以眎余余竊喜太

守之修是志也足廣余之聞見

焉獨是志以補史之所闕創固

難修亦難且武郡域屬兗州雄

稱無棣躡高盤之勝蹟襟濟潔

武定府志

序

二

之靈源秦編齊郡漢隸幽冀晉

代相因隋分渤海唐宋屬棣元

置濟南自明改爲樂安重易爲

武定

國朝仍其舊領九縣一州屹然與

省會埒郡自赫君以前無志焉

迄今百有餘年沿革損益時異
文殊非有馬鄭之淹博何以闡
其源流非有朱陸之宏通何以
闡其真贋非有道元之明辨君
實之鑑衡何以剖其條目別其
賢愚芸渠太守獨身肩其役網
羅散失搜剔殘編本本原京巨
纖悉備彙馬鄭諸君之長袞然
成帙徒賞其廣而不雜簡而能
文不足以知修者之義也遑問
乎創者之心官斯土者錄其典
要奉爲箴規庶幾德禮興兵食

武定府志

序

三

足仰副

聖主圖治之衷俯體黎庶懷安之隱
漸仁摩義道一風同蒸蒸日上
臻上理焉其亦余之厚望也夫
是爲序

咸豐九年歲在己未嘉平月穀

武定府志

序

四

旦

誥授光祿大夫山東巡撫提督軍門
兼理鹽政加三級長白文煜撰

重修武定府志自序

郡之有志為矣然有志而殘缺不全湯漉過半則有志一如無志也有志而攷核不真前後

武定府志

序

一

互異則有志不如無志也審是而志之宜修之宜慎也明矣武定郡舊有志初自乾隆二十四年迄今百載惜憲帙

缺半訛謬迭出不增修

而詳辨之其何以信今

而傳後乎予初任秦再

任滇所歷各郡皆為纂

修志書以備觀覽今戊

武定府志

序

二

午奉

命來守武郡下車後取舊

志閱之只見其缺而未

知其悞也久而知之知

之而悉為正之然正之

而不明指其誤則人將以予為悞矣但予之修是志也年久而採訪維艱傳聞各異重之文獻無徵雖審之又審

武定府志

序

三

竭周歲之力而告厥成保無有遺漏者乎是在大雅君子入而正告之用以補生缺刊生悞是則予之所厚幸也夫是為

序

咸豐九年歲次己未夏

五穀旦

賜進士出身

誥授朝議大夫山東武定

武定府志

序

四

府知府煙瘴瘴俸泐候陞前吏科給事中掌廣西道監察御史翰林院編修江右李熙齡撰

武定府志舊序

東省憑負山海拱揖

神京

聲教之所涵濡較他省爲密邇而武定實首東漸且距
興京相望止五百里尤

皇化始基之地也往者

朝廷議修一統志檄天下郡邑各爲成書以獻是時武
定猶隸濟南未有專志自升府以來屹然爲一大郡領
州縣者十其間方域戶口吏治民風間有歧異使非提
其要以著明之將使後來者渺焉難稽抑何所資以爲

武定府志

舊序

一

風厲之具故論東省志乘在武定爲尤急昔考亭朱子
守郡每下車輒索觀志乘以鏡士俗驗民風汲汲焉惟
恐或後誠以此爲政治之要故志爲郡邑之史不可闕
如而尤宜考訂明確以信今而傳後甚矣秉筆之難也
余官涕上於武郡嘗數至單車戒途周覽旁瞻竊見屬
邑胥各有志而郡志則未之見不能無慨於中維時太
守赫君守茲土已十年所矣詢之則具道其不敢緩而
有所待之故蓋始以蒞任未久不克周知其槩及一切
利弊之當乘除者且各屬志雖具而踈漏漫漶雜不
倫所在多有比復連歲不登吏方拊循樽節之不遑奚

暇及此今幸際豐稔當休養生息之時可以舉此而又
慮夫采輯之難其人恐徒托諸空言不獲見之行事或
支獻無徵載之編簡微特無裨地方且將貽誤來者故
遲人而未舉也余竊太守鄭重之意遠過家子莊孝廉
暨奎來因屬太守俾任編輯逾年告成以書贈余紬繹
之而歎其書之精而賅博而不雜凡是非得失兵農賦
役瞭若指掌益見太守之明於體治知人善任孝廉之
秉筆不爽而上有合乎朱子之遺意更足以紀

聖澤之旁敷備茲邦之掌故也爰喜而爲之序

特授總理省直山東等處兼轄江南河南鳳徐歸三府

武定府志

舊序

二

屬各州縣都轉鹽運使司鹽運使兼鹽法道加一級紀
錄六十一次古欽胡寶琳撰

武定府志舊序

乾隆戊寅秋余奉

命陳臬山左卽聞武定創修府志深喜太守之能舉廢墜日冀其成而尤恐其成之速也聞之謀事者有其基則爲之也事半功倍余僕指十七年間四至齊魯凡郡邑修志不以余寡陋咸來問得失余得而悉讀之然或因舊稿散軼或因文獻未脩踵事增華而已若武定自憲廟時升州爲府歷有年所未聞有志鉅典闕如今聖天子表正萬方凡民間殊俗異宜罔不盡心體恤二東爲畿南近輔

武定府志

舊序

三

東巡守則當彙諸郡志以獻詎可獨遺茲郡余故日望其成也然因易創難郡故無乘欲上下千古網羅舊聞計惟聚諸隸邑之志加以採掇羣書參互考訂庶幾可會其全抑是郡各屬之志半葺自明神宗時餘亦

國初所纂其間變遷登耗之不一忠孝廉節之就湮者度不能更俟數使非遲之歲月則倉卒成書或爲一時塗澤具余故又恐其成之速也延越葦年始蒞事以其稿畱余余喜是書之精贖是非進退具合體製竊念是邦地屬鹵而曠戶口寡且貧幸其俗素樸寔禮教是敦茅焦忠直著跡先秦李唐徐文亮任敬臣之孝友首場

靡風此後絡繹登青簡者不絕宋胡旦嗜書篤學撰述富劉蒙以不行新法去官學者稱正思先生且不屑以雕蟲見古貞女蒲氏三姑臺拂雲並峙此都士女偉烈懿徽輝映於海山嵐翠間至我

朝景運蔚興李文襄公之芳岫起茲土柱礎巖廊光昭鉉業當爲浙閩制府時三葉蠡動坐扼衙門從容戡定纖塵不驚吾鄉邦寔受其福武功與信城浮襄口爭烈而輯甯有加焉光氣所騰足還千百載泱泱舊觀司牧者撫喬木鬱葱拔志乘暉曜使風軌日上則太守編纂之功豈僅修舉廢墜已哉

武定府志

舊序

四

乾隆二十四年己卯中秋日

賜博學宏詞出身通議大夫山東按察使仁和沈廷芳謹撰

武定府志舊序

余於己巳之夏捧檄來守是邦下車察民疾苦時適海飢老弱凋瘵人不暇讀書而獄訟日繁余乃慨然改容重索郡乘欲以知風會之變遷物力之登耗因而撫之以悉民隱也乃以陞府未幾志乘闕焉而各屬志半又輯自前明予不敏奉

命以知是府則是府之如何生聚如何教訓如何修舉其利而除其爲民蠹者當無不知不有成書何以列眉指掌瞭然於求治者之心哉會以旱潦叠告民力耗疲方比戶撫綏之是亟未遑與諸牧令襄此舉也自己迄

武定府志

舊序

五

寅十歷寒暑與民休息以

天子之仁聖諸大憲之廉明武郡僻區亦獲與乎物阜民安之盛予得與吾屬吾民共相忘於至治而曩者之隱願蓋躍然起矣我

國家休養百餘年生齒殷劇郡縣增置罔不因時制宜雍正間以州爲府割濟南之青城及濱州暨所屬隸之一切規制煥倍疇曩則郡志之宜有尤汲汲也爰合諸牧令而告之曰予承乏於茲久矣訖無政聲以爲諸君先然武定地澤鹵人民寡甯損上毋損下甯便民毋便官宜安靜不宜紛更予將辨其形勝土俗之實詳其興

廢得失之由以告後之來蒞茲土者於是設局延賓師取各邑乘以芟其疑似踣駁而釐其次第踰年而志成惟濱海之地艱於購書各舊志無善本且或百餘年或數十年來其間文殘獻闕罔有根據播磨所及不幾如陸務觀之記蜀楊用修之記滇疑衰沈亞之于思容之記齊魯疑隘乎而予均有所弗遑恤者誠恐愈久愈湮剽剽益漫漶傳聞益繁纂使後之人追悵前之人而執簡懷槩茫無所依余又烏能追其咎戾耶蓋志成而余之初志慰矣觀戶口日以殷盛知老者壽康少無天札也觀風俗日以淳龐知民無健訟官有廉隅也觀學校

武定府志

舊序

六

人物日以振興知戶說詩書家敦禮樂也雖然比者獲邀福於天久無饑饉憂我邦之人豆飯藿羹可鼓腹以嬉耳夫瘠壤少蓋藏豐稔不可恃宜仰承

聖天子憂勤民瘼之心庶幾夙夜以永天庥余願與牧令諸君共凜此意毋失也 時

大清乾隆二十四年歲次己卯嘉平穀旦中憲大夫知

武定府事長白赫達色謹撰

武定府志

目錄

首卷

序文 凡例 辨誤 圖攷

卷之一

星土

卷之二

沿革

卷之三

疆域 形勝

武定府志

卷首

目錄

卷之四

風俗 物產

卷之五

山川 河防附

卷之六

城池 公署 坊表附

卷之七

鄉都 市鎮

卷之八

學校 書院義學附

卷之九

壇壝 寺觀附

卷之十

古蹟 塚墓附

卷之十一

驛遞 橋梁附

卷之十二

田賦 鹽法附

卷之十三

兵制

武定府志

卷首

目錄

卷之十四

祥異

卷之十五

封建

卷之十六

職官 文秩

卷之十七

職官 文秩

卷之十八

職官 文秩 武秩

卷之十九

宦蹟

卷之二十

選舉 徵辟 進士 舉人

卷之二十一

選舉 副貢 拔貢 文仕宦

卷之二十二

選舉 武進士 武舉人 武仕宦 封贈 恩蔭

卷之二十三

人物 名臣 忠節

武定府志

卷首

目錄

三

卷之二十四

人物 清介 循良

卷之二十五

人物 孝友 儒林 文苑 武功

卷之二十六

人物 義行 隱逸 耆壽 藝術 仙釋 高賢

卷之二十七

列女

卷之二十八

列女

卷之二十九

藝文 誥 詔 疏

卷之三十

藝文 疏

卷之三十一

藝文 論 記

卷之三十二

藝文 記

卷之三十三

藝文 記

武定府志

卷首

目錄

四

卷之三十四

藝文 序 書 傳

卷之三十五

藝文 碑 誌 銘 墓表 行狀

卷之三十六

藝文 啟 議 文 引 考 跋 辨 增 說 地

卷之三十七

藝文 詩 賦

卷之三十八

雜記 景致 附

武定府志

舊志凡例

一武定自雍正十二年由州陞府分濟南所屬州縣隸之建置二十餘年向無郭乘各屬志修自前明萬歷年間者十之七餘亦距今八九十年要皆卷帙叢殘棗梨磨滅第就搜採所及數之往古概成斯集間有竊取之義皆以按字別之區區撫拾討索未詳補遺訂誤尙有望於後之續修者

一志爲外史首重體裁先賢列傳例當書名查各州邑舊乘往往攷令稱侯邑人稱公殊失志體今惟

武定府志

卷首

凡例

一

名賢記傳碑銘敘入藝文者悉依原本他如宦蹟人物俱書名以正體裁

一他志往往總標一目分附各條意以各條雖異可同入一門也其間不無牽合強援之病或至顛倒錯出門類混淆今種種各自爲志俾閱者展卷了然查覈亦便

一學校城池公署各有改置司土者留心經畫皆於政教有關不可不書今循新舊規制興廢修建以次列之亦足考吏治之得失至若亭臺園囿飾美增華無關大要剝則紀之修不具載此中頗區別

焉

一志山川者支幹源流必有脈絡之可尋非徒誇名勝事遨遊也武郡惟陽海濱三屬邑有山亦培塿耳若川則相傳九河故道大半在此先儒門戶競張通志援引甚詳而折衷鮮據然水利之要原不在稱名之今古第就目前形勢按區析載溯其源流別其枝幹並詳歷代治河之大畧覽者可以得其要矣

一田賦以現在確數爲準詳載丁地四柱與派徵則例至於起存支欵及課稅雜項自有司農會計籍

武定府志

卷首

凡例

二

可按冊而稽也茲不殫述

一陳方物辨土宜物產所爲志也凡民間日用之物大率各州縣所同無庸重見疊出一切通列郡產至各州縣或有專產一二種則必分別詳註以徵厥土之所宜

一祥異見於各州縣志及他書實有可據者按地紀載以備柱下之採其餘傳聞異辭概不多贅
一宦蹟人物爲古今激揚所繫採核宜慎謹就史乘所載以及口碑之不沒鄉論之足多者直道在人修存實錄至生人無立傳之例在官在鄉政行即

有可紀未敢濫述載歌繡衣請跋來者

一官師志守牧令佐例得並書凡政教事實阜有可紀者立專傳入宦蹟志他若其詳不可得聞而舊志所流傳與故老所稱道猶能彷彿其大槩謹標註一二語俾後之覽者爲法爲戒展卷了然抑亦直道之未泯也至於現任各職備載名籍以俟論定於後人爲官師者亦可知所自勵矣

一人物分門別類列目十有四條本歷代正史之文旁採羣書以及志乘碑板之散見者廣搜博攷仍依時代先後列敘其次以志典型舊有以他邑人

武定府志

卷首

凡例

三

誤入者悉釐正之

一表揚貞烈節孝以廣勵閭閻實於風教大有裨益顧窮鄉僻壤採訪未及湮沒居多載筆者方且懼其掛漏何敢強爲去取今於行實足徵者芟厥繁詞傳其令德卽行實無憑紀述亦必備登姓氏以副司風教者闡幽表微之至意至於銓序悉依時代不復另爲區別從范史例也

一取士之制三代尚矣漢魏以前不外州郡薦辟猶有鄉舉里選之遺意焉自隋大業三年始立進士科舉人貢生之名昉自前明今分選舉爲徵辟科

目兩途武科鄉會二試亦併列焉官階附書其下有行事表見者另入人物志

一藝文先分各體作者時代仍以遠近別之然亦未能具載如奏議關乎大典傳銘係乎表揚或題咏夫雲物山川或紀述夫城邑學校則輯之以備掌故其他無關典要者概不泛錄至封誥綸音已於封底條內備列姓名所有勅命誌之家乘以昭光寵可也

一志乘例有雜識一門蓋因其事不盡雅馴而故老傳聞又似確乎有據諸卷無可歸附謹載簡末以

武定府志

卷首

凡例

四

見存而不論之義至各邑志間有八景或十景率多湊合附列古蹟之末夫山川古蹟當觀其形勢攷其源委不獨供司土者之遊覽也若欲極仰觀俯察之娛則何往非景限之以數反致拘牽殊礙人意茲姑存之雜識門以示無足重輕云

新志凡例

一舊志自乾隆二十四年纂修迄今百年有案卷遺失無可查者採訪纂難茲歷周年審之又審方敢列入凡例不出舊志而每卷俱有增損

一卷數仍舊志而次序亦稍有改易如十三卷兵制列武秩而文秩尚在十七卷茲列武秩于文秩後十六卷列宦蹟而職官尚在十七卷茲列宦蹟于職官後其餘難以更改者姑仍之

一田賦舊志與戶口並列且太繁缺府總茲戶口統入田賦內更刪繁就簡而以府總冠之

武定府志

卷首 凡例

一

一學校天下所同舊志太繁茲以圖括之而以樂章附其後

一選舉舉人自設府以來應列府學舊志未載今更年久不可攷矣姑仍之

一選舉科甲舊志統列茲分列十屬眉目更清凡舊志遺漏悉補入

一欽賜進士舉人副貢卽附于科甲副貢之內

一貢生不可勝紀百年掛一漏萬亦足貽譏茲列文仕宦凡貢監吏員捐納出仕者概列入其未仕者概不列至科甲拔副貢出仕者悉注某名下又列

武仕宦凡行伍捐納出仕者概列入其武科甲出仕者亦悉注某名下

一列女各屬載現年若干歲甚謬此雖從實然枯楊生華易有明訓今雖萬無是事而生者總不可列入且志歷百載尙是現年可見二字斷不可用其有生前請封列入者以其沐恩榮也茲採訪凡載現年未請封者概不列

一舊志官職宦蹟列女各卷雖分十屬然連接莫能增益且難查考茲十屬各爲一冊旁注明某州縣一舊志名宦人物藝文各卷不另分各屬茲因原板

武定府志

卷首 凡例

二

尙可揀用姑仍之

一藝文採訪詩篇甚多照舊志凡例不濫收其有景致詩揀其不朽者列入數首

一舊志人物宦蹟等傳書科分而未註明康熙乾隆等年號無可查攷姑仍之

一職官陞任年久難稽未詳載